

Dydd Sul 9/5/21	9:45yb Mawl y Bore	5:00yh Hwyrrol Weddi ar-lein
Arwain	Mark	Mark
Blodau		
Cyfeilio	Aeron	
Darllen	Pedr	Jane
Darlleniadau	<i>Eseia 55. 1-11; Actau 11:1-30</i>	<i>Caniad Solomon 4:16-5:2, 8:6,7; Datguddiad 3: 14-22</i>
Gweddïau	Robert	Marian Jones
Lluniaeth		
Pregethu	Mark	Michael

Dydd Sul 16/5/21	9:45yb Mawl y Bore	5:00yh Hwyrrol Weddi ar-lein
Arwain	Mark	Mark
Blodau		
Cyfeilio	Aeron	
Darllen	Elena	Gwen
Darlleniadau	<i>Eseciel 36.24-28; Actau 12.1-19</i>	<i>Eseia 61: 1-11; Luc 4: 14-21</i>
Gweddïau	Michael	Mair
Lluniaeth		
Pregethu	Mark	Mark

13/5/21 11:00yb Gwasanaeth dydd Iau'r Dyrchafael (Saesneg) (Eglwys y Drindod)

Gweinidog:

Parch. Mark Ansell, Fenton, Maes y Frenhines, Aberystwyth, SY23 2HL. 01970 617184 eglwysfair@gmail.com (Diwrnod bant arferol: Dydd Gwener)

Gweinidogion eraill:

Parch. **Cei Rees**, 01970 617184 cei@stmikes.net (Diwrnod bant arferol: Dydd Sadwrn)

Parch. **Liz Rees**, 01970 617184 liz@stmikes.net (Diwrnod bant arferol: Dydd Sadwrn)

Parch. **Becky Evans**, 01970 617184 becky@stmikes.net (Diwrnod bant arferol: Dydd Gwener)

Parch. **Robert Wilkinson**, 01970 617184 robert@stmikes.net (Diwrnod bant arferol: Dydd Iau)



**y Gair
y Groes
y Gymraeg**

g^{fed} o Fai 2021

9:45yb Mawl y Bore
Caneuon: **GM2-2, 614, 627**

5:00yh Hwyrrol Weddi ar-lein



Croeso i Eglwys y Santes Fair!

Diolch am ddod heddiw. Cynhelir gwasanaethau wythnosol yn y bore, ond mae ein gwasanaeth hwyrrol weddi yn parhau ar Zoom.

Y Pasg 6

O Dduw ein hiachawdwr,
gwaredaist ni rhag galluoedd y tywyllwch
a'n dwyn i deyrnas dy Fab:
caniatâ iddo ef a'n galwodd ni'n ôl i
fywyd trwy ei angau, ein cyfodi i
lawenydd tragwyddol trwy ei
bresenoldeb parhaus ynom ni;
trwy Iesu Grist dy Fab ein Harglwydd, sy'n
fyw ac yn teyrnasu gyda thi a'r Ysbryd
Glân, yn un Duw, yn awr ac am byth.
Amen.

Bydd yr Ysgol Sul i
blant a phobl ifanc yn
ailddechrau cyn bo hir.



Mae system dolen anwytho yn yr
eglwys. Trowch eich teclyn
clyw i'r gosodiad pwrpasol.



Gweddi Eglwys y Santes Fair

Arglwydd Iesu,
addewaist adeiladu dy eglwys.
Felly, os gweli di fod yn dda,
adeilada dy eglwys yn ein plith.
Cymorth ni i ddyfnhau ein
perthynas â thi, a chynyddu'r nifer
o Gristnogion newydd sy'n addoli
yma trwy gydol y flwyddyn,
er mwyn dy anrhydedd yn y plwyf
hwn. **Amen.**

www.eglwysfair.cymru



Eglwys y Santes Fair, Aberystwyth



@eglwysfair

Cinio Cymorth Cristnogol

Cynhelir cinio bara a chaws rhithiol ar Zoom ddydd Mawrth 11eg o Fai am hanner dydd. Rhif y cyfarfod yw : 944 636 8663 gyda'r cyfrinair: 8EYSKc Croeso i bawb.

Gwasanaethau ar-lein

Mae gwasanaeth *Hwyrol Weddi* am 5yh bob nos Sul drwy raglen Zoom. Bydd angen rhif y cyfarfod – sef 964 3320 1895 – a'r cyfrinair, sef 1588. Gallwch ymuno drwy ffôn hefyd: Ffoniwch - 0203 051 2874 ac wedyn rhwch rhif y cyfarfod, wedyn yr allwedd #, wedyn 1588 wedyn # eto.

Church Suite

Mae'r plwyf wedi mabwysiadu ap newydd i'r ffon a chyfrifiadur – *Churchsuite*. Byddwch chi'n derbyn e-bost oddi wrth swyddfa'r plwyf yn wythnos nesaf i'ch gwahodd chi i'r system. Bydd trefniadau a digwyddiad eglwysig i gyd ar y system yn y dyfodol. Ewch i <https://login.churchsuite.com/> am fwy o wybodaeth, neu lawrlwytho'r ap i'ch ffôn.



Yn Eglwys y Santes Fair...
rydym yn **creu cymuned**
sy'n **caru'n cymdeithas**
er mwyn **cyflwyno Crist**.

Adroddiad Pedr i'r Eglwys yn Jerwsalem

¹Clywodd yr apostolion a'r credinwyr yn Jwdea fod y Cenhedloedd hefyd wedi derbyn gair Duw. ²Pan ddaeth Pedr i fyny i Jerwsalem, dechreuodd plaid yr enwaediad ddadlau ag ef, ³a dweud, "Buost yn ymweld â dynion dienwaededig, ac yn cydfwyta gyda hwy." ⁴Dechreuodd Pedr adrodd yr hanes wrthynt yn ei drefn. ⁵"Yr oeddwn i," meddai, "yn nhref Jopa yn gweddïo, a gwelais mewn llesmair weledigaeth: yr oedd rhywbeth fel hwyl fawr yn disgyn ac yn cael ei gollwng o'r nef wrth bedair congl, a daeth hyd ataf. ⁶Syllais i mewn iddi a cheisio amgyffred; gwelais anifeiliaid y ddaear a'r bwystfilod a'r ymlusgiaid ac adar yr awyr. ⁷A chlywais lais yn dweud wrthyf, 'Cod, Pedr, lladd a bwyta.' ⁸Ond dywedais, 'Na, na, Arglwydd; nid aeth dim halogedig neu aflan erioed i'm genau.' ⁹Atebodd llais o'r nef eilwaith, 'Yr hyn y mae Duw wedi ei lanhau, paid ti â'i alw'n halogedig.' ¹⁰Digwyddodd hyn deirgwaith, ac yna tynnwyd y cyfan i fyny yn ôl i'r nef. ¹¹Ac yn union dyma dri dyn yn dod ac yn sefyll wrth y tŷ lle'r oeddem, wedi eu hanfon ataf o Gesarea. ¹²A dywedodd yr Ysbryd wrthyf am fynd gyda hwy heb amau dim. Daeth y chwe brawd hyn gyda mi, ac aethom i mewn i dŷ'r dyn hwnnw. ¹³Mynegodd yntau i ni fel yr oedd wedi gweld yr angel yn sefyll yn ei dŷ ac yn dweud, 'Anfon i Jopa i gyrchu Simon, a gyfenwir Pedr; ¹⁴fe lefara ef eiriau wrthyf, a thrwyddynt hwy achubir di a'th holl deulu.' ¹⁵Ac nid cynt y dechreuais lefaru nag y syrthiodd yr Ysbryd Glân arnynt hwy fel yr oedd wedi syrthio arnom ninnau ar y cyntaf. ¹⁶Cofiais air yr Arglwydd, fel yr oedd wedi dweud, 'Â dŵr y bedyddiodd loan, ond fe'ch bedyddir chwi â'r Ysbryd Glân.' ¹⁷Os rhoddodd Duw, ynteu, yr un rhodd iddynt hwy ag i ninnau pan gredasom yn yr Arglwydd Iesu Grist, pwy oeddwn i allu rhwystro Duw?" ¹⁸Ac wedi iddynt glywed hyn, fe dawsant, a gogoneddu Duw gan ddweud, "Felly rhoddodd Duw i'r Cenhedloedd hefyd yr edifeirwch a rydd fywyd."

Yr Eglwys yn Antiochia

¹⁹Yn awr yr oedd y rhai a wasgarwyd oherwydd yr erlid a gododd o achos Steffan wedi teithio cyn belled â Phoenicia a Cyprus ac Antiochia, heb lefaru'r gair wrth neb ond Iddewon yn unig. ²⁰Ond yr oedd rhai ohonynt yn bobl o Cyprus a Cyrene a dechreusant hwy, wedi iddynt ddod i Antiochia, lefaru wrth y Groegiaid hefyd, gan gyhoeddi'r newydd da am yr Arglwydd Iesu. ²¹Yr oedd llaw'r Arglwydd gyda hwy, a mawr oedd y nifer a ddaeth i gredu a throi at yr Arglwydd. ²²Daeth yr hanes amdanynt i glustiau'r eglwys oedd yn Jerwsalem ac anfonasant Barnabas allan i fynd i Antiochia. ²³Wedi iddo gyrraedd, a gweld gras Duw, yr oedd yn llawen, a bu'n annog pawb i lynu wrth yr Arglwydd o wir fwriad calon; ²⁴achos yr oedd yn ddyn da, yn llawn o'r Ysbryd Glân ac o ffydd. A chwanegwyd tyrfa niferus i'r Arglwydd. ²⁵Yna fe aeth ymaith i Darsus i geisio Saul, ac wedi ei gael daeth ag ef i Antiochia. ²⁶Am flwyddyn gyfan cawsant gydymgynnull gyda'r eglwys a dysgu tyrfa niferus; ac yn Antiochia y cafodd y disgyblion yr enw Cristionigion gyntaf.

²⁷Yn y dyddiau hynny daeth proffwydi i lawr o Jerwsalem i Antiochia, ²⁸a chododd un ohonynt, o'r enw Agabus, a rhoi arwydd trwy'r Ysbryd fod newyn mawr ar ddod dros yr holl fyd; ac felly y bu yn amser Clawdus. ²⁹Penderfynodd pob un o'r disgyblion gyfrannu, yn ôl fel y gallai fforddio, at gynhaliaeth eu cydgreidwyr oedd yn trigo yn Jwdea.

³⁰Gwnaethant hynny, ac anfon eu cyfraniad at yr henuriaid trwy law Barnabas a Saul.